

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus II. De conscientia erronea.

---

[urn:nbn:de:hbz:466:1-74152](#)

tanquam à DEO concessum, & proportionatum  
Divinæ legi.

10. Dices primò. An hinc non sequatur vitiosus círculus, si opus sit rectum per ordinem ad regulam Conscientiæ, ipsa quoque Conscientia sit recta per ordinem ad opus rectum, tanquam proprium objectum? Respondeo non esse circulum vitiosum, quia in diverso genere, modoque caufandi. Opus quippe rectum denominatur, quasi passivè à conscientia regulante in ordine causa idealis & directivæ, ut sit in arte factis. Conscientia vero denominatur recta ab objecto in genere causæ objectivæ, & quasi activè, in quantum conscientia ipsa in objecto regulativè causat conformitatem cum lege aeterna: cum enim omnis veritas sit quedam conformitas cum objecto, etiam practica veritas debet esse talis; hacten cum differentia, quod practica activè quasi sibi conformat, speculativa quasi passivè conformat objecto.

11. Dices secundò. Conscientia tanquam regula secunda, regulata & exemplata à prima regula, non potest esse recta, nisi sit conformis primæ regula, seu legi divina: sed non est conformis, quando est invincibiliter erronea: tunc enim lex

Divina actum prohibet, & dicitur esse illicitum, quem econtra conscientia dicitur esse licitum: ergo tunc non potest esse recta. Respondeo distinguendo minorem: non est conformis divina legi ut ab absoluete respiciendi talem actum vel objectum concedo; & ideo est speculativè falsa; non est conformis divina legi respiciendi talem actum ut substantem tali invincibili representationi, nego. Sic enim dicitur, aunc actum formaliter esse honestum & licitum. Unde, si Jacobus Læz, invincibiliter existimat uxori debet denegasset, contra Divinam legem iustificari possasset.

Sed nunquid hac ratione Conscientiam invincibiliter errantem male appellamus erroneam, cum potius deberemus appellare rectam justa haec tenus dicta? Respondeo, quamvis Conscientia invincibiliter erronea à parte rei semper sit recta, ulla tamen obtinuisse, ut omnis illa Conscientia dicatur erronea, qua continet errorum sive practicum, sive speculativum, ideoque in divisione conscientiæ in veram & erroneam, ly vera solet accipi pro veritate tam speculativa quam practica. Est vero aliquando loquendum cum multis.

## ARTICULUS II. De Conscientia erronea.

### S U M M A R I A.

1. Exponitur Conscientia erronea.
2. Datur invincibilis ignorantia facti.
3. Item Juris positivi Civilis & Ecclesiastici.
4. Item Juris Divini positivi.
5. Non datur ignorantia invincibilis juris naturalis universi, & quod norissima principia.
6. Datur quandoque in præceptis naturæ, que facili discursu ex primis principiis deducuntur.
7. Datur in præceptis naturæ, que obscuris ex primis principiis deducuntur.
8. Confirmat hanc ignorantiam experientia.
9. Absurda opposita sententia.
10. Invincibilis ignorantia in jure naturali inculpabilitas ostenditur.
11. Impugnatur doctrina Jansenii.
12. Quo sensu Scriptura & PP. ignorantiam appetentes peccatum?
13. Objectiones Wendrochit.
14. S. D. loquitur de invincibili ignorantia fidei.
15. Tertullianus & D. Augustinus exponit.
16. Invincibiliter errans dirigit suos actus secundum legem iustitiae.
17. Nec est disformis Divino iudicio quod formulam bonitatem operationis.

### §. I.

*Adstruitur invincibilis ignorantia facti  
& juris positivi.*

1. Conscientia erronea dividitur in invincibiliter & invincibiliter erroneam. Error vel ignorantia invincibilis, quam in Tract. de Actib. hum. etiam consequentem diximus, est, quæ hic & aunc poterat & debebat adverti, seu quæ adhibito debito studio ac diligentia superari potuit,

eaque de causa sicuti non tollit voluntarium, in neque actum peccaminorum à se indirecè evasum excusat à culpa; & sic pariter conscientia ex invincibili ignorantia, dictans licitum, quod est illicitum, nunquam potest esse regula recti operationis, neque ab operatione fisi conformi militiam tollit; sive sit ignorantia juris h. e. legis prohibentis aut obligationis existens, si ignorares, sine usura illicita, sine iste articulus fisi, sine impedimentum dirimens consanguinitatis in quarto gradu &c. sive sit ignorantia facti ut si ignores, hunc, quem percives, esse Clericum, hunc diem esse festivum, hanc saepeam esse consanguineam, hoc animal, quod vides, esse hominem, hunc reum in iudicio esse innocentem &c. Invincibilis ignorantia fuit juris facti est, quæ adhibito debito studio ac diligentia superari non potuit. De qua ad subiectum notitiam meliorem occurunt plura ponderanda.

Et primò quidem dari ignorantiam invincibilis facti in confessio est apud omnes contra Guiliel. Paris, tract. de Legibus c. 21, citatum à Sairo thel. I. 2. c. 9., quia tunc datur invincibilis ignorantia, quando in mente nulla suspicio, dubietas, aut confusa saltet notitia oritur; sed in facto, vel aliqua facti circumstantia, etiam ad ipsa naturale pertinentibus hoc frequenter contingit, que cum in aliquo particulari & contingenti constanter, facile possunt hominis etiam facili notitiam fallere. Ita Jacobus, quantumvis fecerit, jure naturali veritum esse accessum ad feminam non suam, non tam tam peccavit. Liam fili pro Racheli vero uxore suppositam cognoscens, quia nullam habuit rationem dubitandi, an illa

estet sua uxor. Ita secundum S. Th. 1. 2. q. 75. a. 3. qui patrem occideret, invincibiliter ignorans esse patrem, et si non ab homicidii, à culpa tamen parricidii absolveretur.

Ita si quis innocenter emit rem furtivam, commedit aut comedendum apponit cibum venenum, quando bona fide rem furtivam, aut cibum venenatum esse ignorat, & juxta hominum prudentiam nec vendor de re, an sit furtiva, nec medicus de cibo, an sit venenatus, sicut consuli, nec alia rationabilis causa dubitandi suboritur. Quo casu ex conscientia invincibilis dictamine operans, semper inculpat, imò si alia debita re quæ ad hanc honestè operatur, quippe cui maius operationis per ignorantiam antecedentem redditur penitus involuntaria & necessaria, nec proinde aliqua lege (quæ pro materia requirit voluntarium liberum) hic & nunc vetita vel imputabilis; nullius enim crimen maculat nescientem, inquit S. August. tr. 89. in Jo. &c non tibi deputatur ad culpam, quod invitus ignoras, sed quod negligis querere, quod ignoras. l. 3. de lib. abie. c. 19.

Idem secundum dicendum de Juris positivi, Civilis, vel Ecclesiastici ignorantia: nam licet in foro externo non facile audiatur, qui juris ignorantiam pretendit. Per Regul. 13. Juris in 6. ignorantia facti, non Juris excusat, id tamen contingit solùm ex præsumptione, quæ quis post debitat legum promulgationem non facilè illas ignorare præsumitur. Nihilominus cum humanae leges & statuta sint facta multa, quæ scire nec omnia possibile est, nec necessarium, facile contingit, eorum aliqua, nullà subortâ dubitatione ignorari, quam ignorantiam si quis legitime proberet, ut si ostendat, se tempore factæ promulgationis absentem, furiosum vel amentem fuisse, etiam in foro externo audiendam & acceptandam fore colligit Sylvius ex c. cum in tua: quæ marimonium accusare possum.

Unde haec quoque Juris ignorantia invincibilis à peccato, & censuris illam consequentibus exculcat.

Tertio satis receptum est, etiam Juris Divini positivæ ignorantiam invincibilem dari, eamque excusat à peccato. Nam juxta D. August. tract. 89. in Jo. & epist. 10. ad Xystum. & Doct. Angel. 2. 2. q. 10. a. 1. doctrinam, datur infidelitas negativa in his, qui vel inter infideles nati, & educati, vel pastorum defectu aut negligentia, vel propriâ hebetudine de fidei nostra mysteriis nihil audiuerunt, nihil intellexerunt, quæ infidelitas non est peccatum, sed pœna peccati (saltem originalis) quomodo enim credent ei, quem non audierunt? quomodo autem audiens sine praedicatore Rom. 10. Ideo Christus Joan. 15. Si non venissem, inquit, & locutus fuissem eis, peccatum non haberent. Si opera non fecissem in eis, que nemo alius fecit, peccatum non haberent &c. Et D. August. loc. cit. in Jo. respondens, an, ad quos non venit Christus &c. habeant excusationem de suo peccato? dicit habere illos excusationem non de omni peccato suo, sed de hoc peccato, quo in Christum non crediderunt.

Rationem dedit idem S. P. sup. n. 2. Oppositi

sententiam damnarunt Sum. Pontiff. Pius V.

R. P. Metzg. Theol. Schol. Tom. II.

Gregor. XIII. & Urbanus VIII. in hac propositione Bay. Infidelitas purè negativa in his, quibus Christum non est predicatus, peccatum est.

## § II.

### An & quando dari possit invincibilis ignorantia iuri naturali?

Nec quartò negari potest, etiam dari invincibilem ignorantiam Juris seu legis naturalis: nam licet certum sit, non dari invincibilem ignorantiam in adulto, quoad universam naturæ legem, & quoad prima notissima & universalissima præcepta naturæ, quale est illud: *Quod tibi non vis fieri, alteri ne feciris;* de quo D. August. in Psal. 57. hoc & antequam lex datur, nemo ignorare permisus est, ut esset, unde judicarentur, & quibus lex non esset data. Unde D. Th. 1. 2. q. 94. a. 6. de istis præceptis: *quantum ad præcepta communia, quæ sunt omnibus nota, lex naturalis nullo modo a cordibus hominum deleri potest in universali:* nihilominus magnum est discrimen inter præcepta naturæ, quæ ex iis moralibus notissimis principiis per discursum deducuntur. Nam aliqua ita facile & per se ex illorum notitia consequuntur, ut absque supina negligientia etundem consequentia ignorari non possit; alia vero difficultiori discursu obscurius deducuntur, & vis consequentiae non nisi à Sapientioribus penetratur, prout agnoscit S. D. 1. 2. q. 100. a. II.

Primi generis præcepta absolute considerata saltem ad longum tempus (nam ad breve tempus fortè in pueris ad pleniorum usum rationis tardè venientibus etiam hæc præcepta invincibiliter ignorantia non possunt: nam ego, quod prava consuetudine furtum reputetur licitum, tamen modicæ discurrendi facultate ex illo notissimo principio: *quod sibi non vis fieri &c.* absque labore inferitur: *Non furtum facies.* Dixi: *absolute considerata:* nam ut optimè advertit Sylvius 1. 2. q. 76. a. 3. quaf. 2. Conclu. 3. Si illa quoque præcepta notabili circumstantia à peccato excusante afficiantur, ab aliquibus etiam longo tempore invincibiliter ignorari possunt, eo quod ex tali circumstantia efficiantur obscura, quæ ex se clara videbantur. E.g. clarum est, mendacium, furtum, homicidium, perjurium esse peccata, sed non ita clarum est, sine peccatum falsa calumnia fallax calumniam depellere, pejorare, mentiri ad servandam vitam propriam, amici, Principis, occidere seipsum ad vitanda tormenta gravissima, castitatem conservandam, interfici hominem sine spe vite cum gravissimi doloribus luctantem, & interfici rogantem, prout Amalecites Saulem interfecit.

Secundi generis præcepta in hominibus non tantum infidelibus, sed etiam fidelibus aliquando invincibiliter ignorantur; non enim ita sunt obvia, ut non etiam Sapientissimi aliquando de illorum veritate dubitent, vel omnino negent. Nam primo æquè Sapientissimus ac Sanctissimus P. Augustinus [referente Elparza append. p. 1. a. 2. & Herinck p. 2. disp. 1. q. 7. num. 60.] l. 1. de Serm. Dom. in monte, dicitur, an uxor à marito dimissa committat peccatum mortale, si alteri marito priori adhuc vivente copuletur? Dicit enim: *Si autem dimititur à viro, cum quo esse*

esse cupiebat, mæchatur quidem, qui eam duxerit secundum Domini sententiam, sed utrum & ipsa tali criminis teneatur incertum est. Relato deinde miserabili casu, quod Antiochia debitor in vincula compactus à creditore mortem minitante, nō solveret, uxori suæ licentiam dederit, ut pareret sollicitationi hominis prædivitis, pecuniam pro mariti liberations offerentis, si ipsa unâ nocte sui copiam faceret; non audet fœminam de adulterino concubitu condemnare; nihil hic, inquiens, in alteram partem dispuso, liceat cuique estimare, quod velit. Cassianus & Marulus [teste Sylvio quæst. 2. conclus. 4.] aliique tradiderunt, mendacium officiorum esse licitum. Durandus in 4. dist. 33. quæst. 2. Stando in jure naturali fornicationem non esse graviter veritatem existimavit. Quid quod Jura quoque Civilia permisent marito necem uxoris in adulterio deprehensa, tanquam ex iusta indignatione illatam, qua in hoc puncto à Jure Canonico corriguntur? ut nil loquar de sapientioribus Ethniciis, è quibus Plato dicebat mendacio utendum esse tanquam hellebore, hoc est, tanquam remedio contra gravissimum, quod è confessione veritatis oritur, discrimen. Cicerone de officiis, I. 1. agnoscit licitam esse injuria illata vindictam. Et Tuscul. quæst. 1. fas esse sibi mortem conciscere ad graviorem misericordiam declinandum. Ex quibus hoc sit manifestum, quædam præcepta juris naturalis non adeo perspicue etiam à sagaciore intellectu è primis morum principiis derivari; ac proinde saltem à rudioribus, aut Christianæ legis, morumque instructione destitutis absque alia negligenter sua culpa ignorari.

8. Confirmat eandem ignorantiam experientia Confessorum, qui deprehendunt, aliqua ab adolescentibus aliquoquin DEUM timentibus, ignorantem contra legem naturæ patrata, quorum scrupulus nonnulli post aliquod tempus & maiorem judicij maturitatem suboritur. Vafq. disp. 122. c. 2. affirmat, visum à se rusticum, qui se opus pietatis committere existimabat, si ægrum mortis angoribus presulum, in alteram partem versaret, quod citius animam exhalaret; atque se sufficienti examine hanc errorem inculpabilem in rusticò deprehendisse. Ipsime in Scholis experimus difficultatem in usuræ, duelli, suicidiis (ut vocant) malitia, perspicue ex solitus objectionibus ostendenda. Viguerunt pariter & vigent etiam inter sapientissimos Doctores gravissime controversæ de veritatibus ad jus naturæ pertinentibus. Ita plurimi cum Doct. Angel. affirmant, reum ex privata Judicis sententia innocentem, secundum allegata & probata nocentem, licite, imò obligatoriè, capitali sententiæ damnari: alii negant. Censu utrinque redimibilis à quibusdam velut usurarius rejicitur, ab aliis ut justus & legitimus admittitur. Reum justè damnatum ad sumendum venenum, ad pugionem pectori infigendum, possi tanquam executorem justæ sententia propriâ manu applicare venenatum calicem, infigere pugionem pectori cum Haunoaldo defendunt plures graves DD., alii contraria negant. Olim ante Concilii Lateran. declarationem sess. 10. magna erat disceptatio, num montes pietatis essent liciti, vel

usurarii, &c. Et quis alterutris partis Doctores culpabili errori subjiciat, nihil temere sed rationibus utrinque maturo judicio expensis suam oportinet pronuntiantes? quod tamen est faciendum iis omnibus, qui juris naturalis invincibilem negant ignorantiam.

Adde varia absurdâ. Nam quæ amplius iuris rudiiores erit securitas in ineundis contradicib; si quantumvis approbent viri docti, Pastores, Doctores & licitum censeant, tamen fieri possit, uti parte rei contractus sit illicitus, & juri naturali contrarius? tunc enim nec contrahentem, nec consulentes bona fides & ignorantia excusab; quin culpabilis legem naturæ ignoraverint, adeoque peccârint. Sed neque Theologi per rurum amplius casus resolvere, neque Judicis sententiam ferre, ne alios involvant periculum agendi contra ius naturæ, quod per avaritiam nemini invincibiliter ignorare conceleum est. Datur ergo etiam juris naturalis invincibilis ignorantia, quippe quæ humano studio superata non semper potest.

### §. III.

#### Propugnatur inculpabilis ignorantiajura naturalis contra Janjenium.

Hinc consecutaneè infurtur contra Janjenium, o Sinnichium in Saale Ex- Reg. n. 36. & seqq., & fictum illum Theologum Saliburgensem Wendrochium, invincibilem ignorantiam Juris naturalis modo assertam, esse iniquabilem, & à peccato formaliter excusat. Ad rationem namque peccati pertinet voluntarium & liberum: sed transgressio legis naturalis invincibiliter ignorata nec est voluntaria, nec liberum ergo non est peccatum. Major est implicite infinita à Pio V. Greg. XIII. & Urbano VIII. damnibus hanc propositionem Bay nostræ contradictoriè oppositam. *Adrationem & definitiōne peccati non pertinet ratio voluntarii: Et istam: Homo etiam peccat damnabiliter in eo quod necessario facit. Est etiam Divi Augustini pluribus locis. In lib. de 2. animab. refutat illam propositionem tanquam omnibus nota & decantatam. Nemo peccat in eo, quod evitare non posset. Et I. 3. de lib. arbitrii. supra cit. c. 19. quem locum allegat, simulque disertè hanc sententiam tradit D. Th. q. 7. de pot. a. 7. a. 3. his verbis: Dicendum, quod ignorantia, que est omnino involuntaria, non est peccatum. Et hoc est, quod Augustinus dicit, non tibi imputatur ad culpam, si invitus ignores. Rufus idem D. Augustinus de veritate Relig. c. 14. Usque adeo, inquit, prout voluntarium est, ut nullo modo sit peccatum, si non sit voluntarium. Et hoc ita manifestum est, ut nulla indolitorum turba dissentiat. Accedit quod juxta Trid. Sess. 6. can. 6. si in potestate hominis vias suas malas facere, neque DEUS precipiat impossibilia: sed evitare id, quod invincibiliter ignoratur, non est in hominis potestate, neque proinde à DEO præcipitur: ergo, si homo ex illa invincibili ignorantia operetur, non facias vias suas malas, neque Divino præcepto formulariter contrariatur. Major est certa, quia quod nullo modo cognitum, illud non est liberum aut voluntarium; ipso assentiente Janjenio l. de gratia Chaldu-*

Christi c. 36. & illud solum dicente esse in nostra libera potestate; quod sit a voluntate cum plena ad- vertentia rationis. Unde in Tract. de Act. hum. dictum: per ignorantiam invincibilem causari involuntarium simpliciter.

1. Hinc colliges, falsam esse causalem Jansenii, quod ideo ignorantia Juris naturalis sit potius peccatum, quam ignorantia Juris positivi, quia illa est pena peccati originalis, non ista. Nam primo: non minus ignorantia juris naturalis pos- test esse invincibilis, quam juris positivi: sed haec non est peccaminosa, quia ratione invincibilitatis est antecedens, necessaria, involuntaria: ergo necilla. Secundo, etiam ignorantia juris positivi est quoddam vulnus intellectus, & miseria naturae: ergo & ipsa est pena & effectus originalis peccati. Tertio, ignorantia legis Evangelice est ignorantia Juris positivi: sed in infidelibus negativa, qui nihil audiverunt de Evangelii predicatione, infidelitas est pena originalis peccati; ergo aliqua ignorantia Juris positivi est pena originalis peccati. Quarto, sequeretur, hanc ipsam infidelitatem negativam, ut & motus concupiscentiae, consenserit rationi prævenientes, immo & eidem repugnantes esse peccata, eò quod sunt pena & effectus peccati originalis, quorum utrumque est contra definitionem Ecclesie, & doctrinam D. August. ac D. Thomae. Nam quod infidelitas negativa non sit peccatum, definie- runt Summi Pontifices sup. n. 3, relati; docuit quoque D. August. epist. 10. dicens: In illis, qui non audierunt, neque potuerunt, pena peccati est non credere, non autem peccatum. Et D. Th. 2. q. 10. a. 1. Si infidelitas accipiat secundum negationem puram, sicut in illis, qui nihil audierunt de fide, non habet rationem peccati, sed magis pena: quia talis ignorantia ex peccato primi parentis inducitur est. De concupiscentia motibus Trid. Bell. 1. c. 5. Concupiscentiam nocere non posse non sentientibus. D. August. l. 1. De civitate cap. 15. Illa concupiscentia inobedientia, quoniam magis abque culpa est in corpore non consentientis, si abque culpa est in corpore dormientis?

12. Si quando igitur Scriptura, vel PP. ignoran- tiam peccatum appellari, id faciunt vel nomine peccati metonymicè significando effectum pec- cati (quo sensu scimus concupiscentiam ab Apol. peccatum appellari) ut agnoscat D. Augustinus l. 3. de lib. arbit. c. 19. dicens: Non solum peccatum illud dicimus, quod propriè vocatur pec- carum [liberacione] voluntate, & à scientie commit- tur [sed etiam illud], quod jam de his suplicio consequtatur, necesse est. Vel est sermo de pecca- to materialiter, non formaliter accepto: vel in- telligunt ignorantiam vincibilem, & consequen- tem, de qua D. Bernard. epist. 77. Multa sci- entia negliguntur, ani sciendi incuria, ani sciendi de- fidia, ani verecundia inquirendi, & quidem ejus- modi ignorantia non habet excusationem. Ideo, cùm Levit. 5. præcipiuntur sacrificia à Pontifice offendenda pro sua & populi ignorantia. Cùm David Psal. 24 orat: Delita juventutis mea, & ignorantia mea ne memineris. Cùm Lucæ 12. ignorantibus pena indicatur: Qui non cognovit, (voluntatem Domini) & fecit digna plagis, va- pulabit paucis, de vincibili adeoque culpabili

R. P. Mezg. Theol. Schol. Tom. II.

ignorantia Scriptura loquitur: prout hunc Lu- cae textum exponit Theodoretus à D. Thoma in Catena super Lucam relatus. Sed cur punitur ignorans? quia, cùm ipse potuisse, noluit, sed pigris- tans ipse fuit ignorantiae sue causa.

#### §. IV. Solvuntur Objectiones.

O pponebat tamen Wendrochius primò celebre 13. illud effatum Angel. Doct. quodl. 3. a. 10. Nullus excusat, si sequatur erroneam opinionem alicuius magistri, in talibus enim ignorantia non excusat.

Secundò. Illud Tertull. de spectac. c. 20. Nunquam excusat, quod DEI S. damnat. Nunquam & nunquam licet, quod semper & ubique non licet. Hac est veritatis integritas, &c. omnia penes veritatem DEI fixa sunt.

Tertiò. Felix III. Pontifex Max. affirmat, non esse in hominum potestate, contra legem æternam agentes peccato liberare: ita enim inquit epist. 7. Quod se decipit ipse, qui fallit, nihilque per nostram facilitatem tribunalis excelsi iudicio derogari, cui illa sunt rata, que pia, que vera, que ju- sta sunt.

Quartò. Augustinus epist. 104. Si quis bo- num putaverit esse, quod malum est, hoc putando utique peccat. Et: Ea sunt omnia peccata igno- rantie, quando quis bene fieri putat, quod male sit. Unde Gratianus 1. quæst. 4. Ignorantia Juris na- turalis omnibus adultis damnabilis est.

Quintò. August. Serm. 44. de diversis c. 6. Nisi quis secundum justitiae regulam direxerit a- illis suis, in errore iniquitatis impingitur. Sub- sumitur: sed qui ex ignorantia aliquid agit contra legem DEI, non dirigit actus suis secundum justitiae regulam: ergo in errorem iniquitatis im- pingitur.

Sextò. Illud: Iustus ex fide vivit. Rom. 1. omne, quod non est ex fide, peccatum est. c. 14. quibus significatur [exponit Wendrochius] tum demum justas ac vivas hominis actiones, cùm lumine fidei diriguntur, malas esse, si non dirigun- tur. Sed qui falsam opinionem sequitur, ratio- ne fortasse vivit, fide non vivit, quia fides falsa, fides non est, inquit D. Bernard.

Septimò. Nil crebrus in S. Script. quam quod omnes via DEI veritas, Psal. 118. alia esse judicia DEI, alia hominum. Ese viam, que ho- mini videtur recta, cuius novissima ad mortem de- discunt. Proverb. 16. Christus ipse Jo. 12. Ser- mo, quem locutus sum, ipse judicabit eum in no- viissimo die. Quæ omnia ostendunt, vitam non ad humanas opiniones, sed legis Divinæ normam exigendam, nec excusandum fore, qui propriæ persuasionis in ignorantiam & errorem abductus a lemita æternae veritatis deflexerit.

Respondeo. Omnia hæc argumenta nimium 14. probare, ipsi simus adversarii solvenda: Probant quippe, nec juris positivi, præsertim Divini igno- rantiam peccato excusare. Et ad 1. constat S. D. loqui de vincibili erronea opinione, non tantum Juris naturalis, sed fidei, cuius falsitas ex recurso ad S. Script. & Ecclesie authoritatem deprehendi potuit, ut patet ex sequentibus ipsius verbis: Qui ergo assentit opinioni alicuius magistri

P. 2. contra

contra manifestum scriptura testimonium, sive contra id, quod publice tenetur secundum Ecclesie auctoritatem, non potest ab erroris vitio excusari.

15. Ad secundum. Locus ille Tertulliani tantum probat, legem naturalem esse immutabilem, ex quo tamen non sequitur, ad culpam imputari, quod ex invincibili ignorantia contra illam committitur: tal enim factum nec DEUS damnat, qui non aliter ad sequendam suam legem nos obligat, nisi quantum illa per rationem est intimata atque proposita.

Ad tertium. Felix Papa sufficienter declarat, sibi de vincibili falsitate sermonem esse, cum illum facilitatem, h. e. nimis facilem credulitatem & assensum appellat.

Ad quartum. D. Augustinus scipsum in textibus supra allegatis satis explicat, & de vincibili ignorantia intelligendum insinuat. Idem dixeris de sententi Gratianii, quamvis etiam videatur juris naturalis nomine intelligere prima vel notissima merum dogmata, quae nec vincibili est inculpati ignorari, ultrò concedimus.

16. Ad quintum nego, quod, qui cum invincibili errore contra naturae legem operatur, non diri-

cat actus suos secundum justitiae legem, cum non alia sit operantis intentio, quam velle operari, quod omnibus bene pensatis hic & nunc Divinis iustitiae & regulae consentaneum arbitratus, quamvis in istius regulae applicatione ipsum falli contingat.

Ad lexum: siquid ille locus Apostoli in praesensi probaret, etiam illud haereticum dogma probaret: Omnes infidelium operationes esse impuras & peccaminosas, quippe influxu fidei deficietas. Primus igitur locus plus non probat, quam primum vita spiritualis initium fidem eius.

Alter locus sequenti articulo exponetur.

Ad septimum. Haud dubie alia sunt iudicia DEI, quam hominum, sive homo vincibiliter faciat in vincibili, sive in materia Juris naturalis, sive positivi a regula Divina legis exorbitat: hoc tamen discrimine, quod invincibili errore alius est iudicium DEI tam de materiali, quam de formali bonitate operationis; in errore vero invincibili est alius tantum quod materialiter ipsa bonitatem, non autem formaliter, et quae propter disiforme iudicio hominis speculatorio, non autem practice praktico.

### ARTICULUS III.

#### *Quæ sit obligatio Conscientiae rectæ & erroneæ?*

##### S U M M A R I A.

1. *Conscientia semper obligat negativè.*
2. *Erronea obligat per accidens.*
3. *Invincibiliter erronea positivè, vincibiliter erronea tantum obligat negativè.*
4. *Quid in casu, quo conscientia vincibiliter erronea distat esse pejerandum?*
5. *Perplexitas orta ex conscientia vincibiliter erronea non excusat a peccato.*
6. *Disparitas inter judicium conscientia vincibiliter & invincibiliter erronea.*
7. *Agere contra conscientiam non est speciale peccatum.*
8. *Conscientia proponens obligationem sub veniali excusat à mortali.*
9. *Quid si Conscientia proponat objectum sub generali ratione prohibiti?*
10. *Perplexitas ex invincibili errore excusat à peccato.*
11. *Obligatio Conscientiae est indiffensabilis.*
12. *Magis obsequendum Conscientie, quam præceptio Superioris.*

##### §. I.

###### *Discrimen inter obligationes Conscientiae.*

1. *Conscientiam consilientem, quæ dictat aliquid agendum, vel omittendum per modum consilii, nullam parere obligationem, certum est. Atqui, cum Conscientia dictat aliquid tanquam ex præcepto faciendum, vel omittendum, sive sit recta, sive erronea, semper obligat, ne quis contra ipsam operetur. Ita S. D. 1. 2. q. 19. a. 5. universaliter affirmans: Omne, quod est contra Conscientiam, peccatum est. Et quodl. 3. a. 27. Omnis Conscientia sive recta, sive erronea, sive per se malis, sive indifferentibus est obligatoria, ita ut, quod creditur esse recta.*

qui contra Conscientiam facit, peccet. Probat Apostolo Rom. 14. dicente, omne quod non est fide, peccatum est. Ubi ex S. D. & communiter preceptum acceptione ly ex fide, idem est, quod ex dictamine Conscientiae: neque enim Apostolus loquitur ex fide Divina, speculativa, sive naturali [ ut testatur Tirinus allegans in his sensum S. Chrysostomum, Ambrosum, aliquo PP.] sed humana, morali, particulari, hoc est illa credulitate & assensu pratico, quo mihi persuaderet, id licere, quo hic & nunc tal modo operor. Loquitur namque Divus de Conscientia erronea quorundam Neo-Christianorum, qui cibos Judæi in antiqua lege prohibitos, etiam sibi in nova lege interdictos existimantes, iudicem hiilominis velcebanter.

Ratio est: quod lege naturali cautum sit, ne quis operetur contra præceptum DEI, quod revera est, vel esse existimat, & hoc ipso hominem peccare necesse sit, si eligat objectum sibi proprium tanquam moraliter malum; sed quisque agit contra conscientiam, agit contra præceptum DEI, quod revera est, si conscientia sit recta, vel tale existimat, si conscientia sit erronea: ergo peccat contra legem naturalem, scilicet objectum, quod sibi hic & nunc inhonorem, & veritatem appetat.

Est tamen duplex valde notabile discrimen inter obligationem conscientia recta & erronea. Nam primò: *Recta* (inquit S. D. q. 17. de Verit. a. 2.) ligat simpliciter, & per se, erronea autem secundum quid, & per accidens. Dico autem ligare simpliciter, quia ligat ab soluto, & in omnem eventum: erronea ligat ex suppositione, & sub conditione, quod creditur esse recta.

Secun-